

# Kyrkjeblad

FOR GLOPPEN PRESTEGJELD  
NR. 4 - JUNI 2001 - 31. ÅRGANG



Hyen kyrkje 125 år


# Kven er Gud?

Ordet Gud kjem av det greske ordet El, og det tyder: makt styrke, ei makt som er mykje større enn menneska si makt. Men det kan og tyda ande, pust, vind. Dette er vanlege ord i Bibelen. Kjede i hug forteljinga om Jesus i samtale med den skriftlærde Nikodemus, slik det står i Johannes-evangeliet kap. 3. Der samanliknar Jesus Guds Ande med vinden. Eg tykkjer det er både dikt og poesi når Jesus seier: «Vinden bles dit han vil, du høyrer han susar, men du veit ikkje kva han

kjem i frå eller kvar han fer av.»

Kan hende vi skulle tenkja litt på det når vi kjenner snø og vind mot andletet.

Eller no når det er sommar, og vi kan høyra vinden som susar i fjellbjørkene.



Då eg var liten trudde eg at Gud budde i ei sky oppe på Bøafjellet. Ja, det trur eg foresten endå, om ikkje akkurat på same måten. Det er svært vakker der oppe på dette fjellet, som ligg rett ovanfor heimen vårt på Råd. Der trudde eg at Gud budde i skya. Når eg las kveldsbøna og Fadervår, såg Gud mildt på meg, men når eg lugga og slost med søstrene mine, såg han strengt på meg frå skya oppe på fjellet.

Seinare i livet då eg var i konfirmasjonsalderen, var eg litt meir skeptisk. For då gjekk eg på biblioteket og las ei bok som heitte «Livets vidunder». Der stod det om ein mann som heitte Darwin, som fortalte at menneska var eit pattedyr av apenes orden.

Ja, det var ei spennande bok, og eg trudde ein god del av det han sa, var sant, men det var ein god del han Darwin ikkje kunne svara meg på.

At jorda ikkje var skapt på 7 dagar, slik som vi meiner med dagar, var greidt nok. Men var Gud noko mindre om han brukte nokre hundre tusen, eller millionar av år? Og når eg såg stjerner langt der ute, så visste eg at det var nye millionar av stjerner eg ikkje såg. Gud er STOR.

**Kjell Råd**

Til hausten skal vi ha soknerådsval. Val-lister skal setjast opp. Vi ønskjer å setje opp sterke lister.

Jesus valde også ut medarbeidarar.

Ei legende fortel at då Jesus vende tilbake til himmelen, vart han straks spurd av erkeengelen Gabriel: Kva er no planen din? Langt nede på jorda ser ein nokre menneske stire mot himmelen. Han seier: Dei er planen min. Gabriel iretteset han: Men dei har ikkje gjort anna enn å misforstå deg, krangle og svike deg. Jesus peikar på dei og seier: Dei er planen min. Eg har ingen anna plan.

Jesus valde. På lista hans stod Marta. Ho kunne vi treng i soknerådet. Grei å ha til kakene og kyrkjekaffien, men ho var no ikkje så åndeleg, - kanske ho likevel bør strykast? Maria - Ja, ho var from, men ikkje særleg praktisk av seg. Ein drøymar. - Kan få trøbbel med slike, best å stryke. Peter - . Nei, ustabil, dominerande, temmeleg lett for å banne. Vekk med han. Matteus - . Svinilar, landsvika. Bør ikkje kome på noko liste. Thomas - . Greitt nok med litt forskjellige folk. Men ein veit

ikkje kva han trur, og han veit det knapt nok sjølv. Jakob og Johannes - dei vart kalla torden-sønene.

Det seier nok. Oppfarande. Hissige. Tenk på miljøet. Maria Magdalena. Ei simpel prostiuter. Sjølv ikkje nardusen kan sminke vekk det fakta. Nei, veit du kva. Då kunne ein like godt ha ført opp ein Judas.

Kven kan vere listetopp?

Ein mann stilte seg fremst i tempelet og sa: Eg takkar deg Gud fordi eg ikkje er som andre menneske, som svindlar, gjer urett eller

bryt ekteskapet. Ja,

der har vi typen. Han kan vi kumulere. Han stod fremst i tempelet, men ikkje øvst på Jesu liste. På lista hans stod dei som sukka: Gud ver meg syndar nådig!

Styrken i det kristne fellesskapet vert ikkje målt på om ein kan dele kor vellukka ein er med andre, men om det er så sterkt at ein kan vere der med sine nederlag.

Det vil vere ei ulukke for kyrkja om det etter valet kan seiast: Gud vi takkar deg fordi vi har fått eit sokneråd som ikkje er som folk flest.

O.S.G.

## Jesu liste og sokneråds- listene

## Konfirmantjubileum i Gloppen

50 års-konfirmantane frå Hyen sokne jubilerer 16. september. Gudsteneste i kyrkja kl. 11.00 med samling etterpå.

50 og 60 års-konfirmantane frå Veride sokn og Gimlestad sokn jubillerer søndag 23. september. Då vert det gudsteneste i Vereide kyrkje kl. 11.00 med samling etterpå. I tilknyting til dette jubileet vert det også musikkandakt i Gimlestad kyrkje laurdag 22. september på kveldstid.

50 og 60 års-konfirmantane frå Breim sokn jubilerer i Breim kyrkje søndag 23. september. Gudsteneste i kyrkja kl. 11.00 med samling etterpå.

Dersom lesarane kan hjelpe oss med å finne adresser til dei som er flytte ut av bygda, er det lettare for oss å nå alle med invitasjonen i god tid. Ta gjerne kontakt med kyrkjelydssekreter, tlf. 57 86 53 17, eller mobiltelefon 995 48 812.

## Ferietid for prestane

Sokneprest Olav Sig. Gundersen har ferie frå 3.7. - 2.8.

Kapellan Harald Forland har ferie frå 19.6. - 2.7. og frå 3.8. - 19.8.

Prestane vikarierer for kvarandre.

Red.

## ... og soknediakonen

Soknediakon Inger Johanne Grini er tilbake i sitt arbeid som soknediakon for oss her i prestegjeldet etter ein lang sjukdomsperiode. Velkommen attende på jobb!

Ho har ferie i veka 25, 26 og 29.



## Pilegrimsvandring og messe på Selja 8. juli

Søndag 8. juli, på sjølve dagen for seljumannamesse i kyrkjeåret, er det atter messe og stemne på Selja. Det vert gudsteneste kl. 12.00 og den vert leia av biskop Odd Bondevik.

«Frendar» frå Vanylven tek del med korsong. Kl. 16.00 same dagen vert det konsern i Selje kyrkje ved Sølv Hopland og Ottar Mæstad.

Kl. 10.00: båttransport til Bø for alle som skal til høgmesse i klosterruinane.

Kl. 9.00: båttransport til Bø for dei som er i god form og vil vere med på pilegrimsvandring på sørssida av Selja på veg til klosterruinane.

I år er også Fjordly Omsorg og Retreatsenter med og tilbyr eit pilegrims-vandringsopplegg knytt til Seljumannamesse. Dette startar fredag kveld med Fjordly som utgangspunkt. Dei som vil vere med på dette programmet frå fredag kveld og utetter, må ta kontakt med Fjordly Omsorg og Retreatsenter, tlf. 57853425, for plasstinging. Nærare opplysningar kan ein også få hos soknepresten i Selje og hos prosti-prest Asbjørn Gjengedal.

## Straume søndagsskule

Borna frå Straume søndagsskule i Hyen Dei har nett fått diplom etter eit fullført samla på kyrkjetrappa søndag 20. mai. søndagsskuleår.

## Sommarkurs med MUSICA SACRA

Musica Sacra er ein organisasjon som arbeider for fornying av kyrkjemusikken. I samarbeid med Ung Kirkesang arrangerer Musica Sacra sommarkurs på Nordfjord Folkehøgskule i tida 25. juni til 2. juli. Kurset er for alle som er glade i kyrkjemusikk. I år er hovudtemaet norske religiøse folketonar.

Kurset vert avslutta med konsert i Vereide kyrkje søndag 1. juli kl. 18. Då vert det presentert ein god del av det som kursdeltakarane har arbeidd med i løpet av kurset.

Det vert også konsert i Hyen kyrkje fredag 29. juni, i

hovudsak med innslag frå barnekor og ungdomskor. Kursdeltakarane deltek også på høgmesse i Vereide kyrkje søndag 1. juli (vaksenkoret dirigert av Magnar Mangersnes) og i Gimle (barnekor og ungdomskor).

Om nokon vil delta i gregorianske tidebøner saman med kursdeltakarane, er det høye til det i Arbeidskyrkja mandag 25. juni kl. 22, og i gamle Gimle kyrkje onsdag 27. juni kl. 21.30.

Det er framleis høye til å melde seg på kurset. Ta i så fall kontakt med Anders Rinde, tlf. 57869301.



## Verdas l-e-n-g-s-t-e ....

I forrige kyrkjeblad hadde vi med lisene over alle som medverka til at vi klarte å få til Verdas l-e-n-g-s-t-e gudsteneste. Diverre hadde nokre namn falle ut frå lista. Det er: Ingrid Odland Eikenæs, Tone Opsahl, Tore Ryssdalsnes, Magni Evebø Sand, Kristin Sælen

og Kjellfrid Vollstad. Vi rettar med dette opp feilen og beklagar at det skjedde. Samstundes nyttar vi høvet til å vise biletet frå gudstenesta i Arbeidskyrkja i Mona i pinsa. Då var alle medverkande ved gudstenesta inviterte til å vere til stades og få deltakarminne for

Verdas l-e-n-g-s-t-e. (Biletet er samansett av fleire enkeltbilete, det gjer at skøytane kan sjåast).

Og søknaden til Guinness rekordbok er sendt, så no får vi vente og sjå ...

## Samling om Nesholmen

Det har gått femti år sidan biskop Ragnvald Indrebø vigsla Nesholmen 22. juni 1951. I desse åra har tusentals born og unge hatt glade og store opplevingar på leirstaden. Mange blei sidan gode støtter for verksemda der. Stemmet i byrjinga av august har alltid vore ei viktig samling for oss som er glad i Nesholmen.

11.-12. august er det igjen Nesholm-steme. Då feirer vi samanslåing av Nordfjord og Sunnfjord krins av KFUK-KFUM. Ekteparet Nina og Bjørn Nygård er med som talarar. Begge har hatt sentrale oppgåver i organisasjonen. Oddvar Almenning vil gje glimt frå den fargerike historia til leirstaden. Han er med og lagar eit sogeskrift om Nesholmen som skal gjevast ut om nokre månader.

Mykje song og musikk høyrer også med når vi samlast på og om Nesholmen. Ta stemnet med i planane for sommaren!

Asbjørn Gjengedal

## Bli med på Alpha-kurs Sandane hausten 2001

Start: torsdag 20. september.

Kurset vert torsdagskveldar fram til 29. november. Stad: Arbeidskyrkja kl. 19.30 -22.00 .

Vi byrjar kurskveldane med måltid og sosialt fellesskap, vidare vert det undervisning og siste timen arbeider vi i grupper. Ansvarleg for undervisinga: diakon Inger Johanne Grini og kapellan Harald Forland.

Kursavgift: kr 100. Vil du vite meir? - Spør etter informasjonsbrosjyre.

Påmelding innan 1. september til:  
Kjell Otto Solheim, Kleivedammen,  
6823 Sandane telefon: 57 86 62 49

Arrangør:  
Vereide kyrkjelyd ved ansvarsgruppe

«Drømmested for pensjonister i Nordfjord:

# Gloppebua i Sandane

Gloppebua i Nordfjord er et av landets koseligste og mest særpregde pensjoniststeder. I den vesle butikken i sentrum av Sandane henger vakre trearbeider, strikkejakke, fargerike vevede tepper og rosemalte fat og tiner - alt håndarbeid som de eldre selv har laget. Og i bakrommet er det innredet en idyllisk liten kafé. Tre ganger i uken samles pensjonistene i Gloppebua og nystekte vafler i «Gloppebua», skrev Ole Geir Herland i «Vi over 60» i april 1987.

Gloppebua er blitt eit kjent og kjært trekk ved bybiletet her på Sandane. Her kan folk stikke innom og kjøpe handarbeidsprodukt som alders- og uføretrygda har laga heime, og ikkje minst kan dei få seg kaffi og vafler i bakrommet tre gonger i veka. Her går søgjen livleg om gamle dagar, og elles om tema frå kvardag. Dei gler seg til desse stundene, mange blir stamgjester og innrettar veka slik at det blir rom for trekk med kompisane.

Den sosiale intensjonen ved Gloppebua er svært viktig. «Mann er manns gaman» heiter det i Håvamål. Og slik er det. Alle treng vi nærliek og varme frå medmenneske. «Vegen til oss sjølve går gjennom andre» er det ein sveitsisk filosof som har sagt, og det må vere slik.

Utgangspunktet for Gloppebua var at det sat så mange eldre og uføretrygda rundt om i heimane som hadde lyst å selje av produkta sine. Det kunne vere vakre tekstilarbeid med gamle teknikkar etter eldre, gode modellar som syntest på veg ut, eller det kunne vere nye, tidhøvelege ting. Skuffene var

begynt å fyllast, barn og barnebarn hadde fått sitt. Mange ynskte å vere meir aktive i kvardagen og få seg litt pengar til å kjøpe seg stoff til arbeida sine.

Nokre eldsjeler forstod kor stort behovet var og sette i gang. Blant dei fekk vel Maria Heggeheim, Marie Ryssdal, Ester Viken og Sigrunn Sandene mest å seie. Sigrunn Sandene vart den første leiaren og gjorde eit storarbeid med å organisere det heile. Dette var i 1978. Gloppebua skulle vere «eit trivselstilstak, miljøskapande, kulturelt og sosialt». Dei organisasjonane som stod bak var Gloppe Helselag, Gloppe Husmorlag og Gloppe Bondekvinnelag.

Produsentane sette prisen på varene sine og bekki betaling når varene var selde. Gloppebua fekk ein liten prosent, og dei som arbeidde i Gloppebua gjorde det gratis. Og slik har det vore sidan. Mange har gjort eit utrolig gratisarbeid alle desse åra. Det er berre impunerande! Somme har halde på i over 20 år. Den eldste er 89! Arbeidet går etter turnus blant dei 25. Av leverandørar er talet kome opp i 300. Det fortel nokså mykje om behovet!

«Dette er ikkje noko å leve av, men det forlengar livet å drive med det», som han så treffande sa det, han Bjarne Risholm. «Lenge før det vart «in» å drive eldrepolitikk, hadde eldsjeler på Sandane opna Gloppebua rikeleg med hjartemønster», stod det å lese i Sunnmørsposten.

Og medisinsk leksikon fann plass til oss.

Som alle ser, har det skjedd mykje med Gloppebua i det siste.



Fagfolk som Jakob Gjengedal og Matias Søreide er «still going strong».

For å få høyre siste nytt om saka, har Kyrkjebladet intervjuet Ester Viken, leiar for både Gloppebua og Gloppetun, og primus motor.

«Mange undrast sikkert over kvifor Gloppebua har teke over Firdatun og driv og rustar opp for fullt. Kan ikkje du Ester informere folket litt om bakgrunnen for det som skjer?»

«Jau, gjerne. Gloppebua blir sagt opp. Reguleringsplanen for Sandane sentrum har ikkje lengre plass til det vesle huset. Det må vike plassen for større hus og ny veg. Her startar prosjektet som vart «Hus til Gloppebua».

Etter ein prosess som dei fleste kjenner til frå Firda Tidend, fekk vi overta det verneverdige Firdatun frå kommunen for kr 50.000.

Det som gav oss mot til å prøve, var innspele frå Lions Club Sandane. Klubben tok kontakt og ville hjelpe med kr 40.000 frå eiga kasse, samtidig som dei bad om løyve til å bruke Firdatun og Gloppebua som eit prosjekt dei ville søkje om midlar til frå Røde Fjær-innsamlinga. Resultatet vart over all forventning; vi har fått lovnad om kr 100.000.

Kommunen sette eitt vilkår for overtaking: Salet skulle skje til ei stifting. Og ei stifting er blitt skipa. Namnet er Gloppebua. Gloppebua kjøper Firdatun og leiger ut til Gloppebua. På denne måten kan Gloppebua halde fram som før, mens stifta kan utvidast dersom andre er interesserte i å gå inn til dømes i andre etasje.

Stiftingskapitalen er på kr 60.000, med kr 10.000 frå kvar av dei ovanfremnde laga, og kr 30.000 frå Gloppebua.

Frå Riksantikvaren har vi fått kr 50.000, og lovnad på kr 20.000 frå Gloppeprosjekta.

Interiørarkitekt Berta Henden hjelpte oss mykje med planlegginga, og den siste tida har sivilarkitekt Rune Nordvik gjeve oss uvurderleg gratishjelp. Byggstyring A/S ved Atle Djupvik har vore prosjektleiar.

Det har vore gjort mykje dugnadsarbeid. Murvegger måtte vekk, treveggar rivast ned, golv rivast opp, vegger er blitt isolerte og lagt plater på. Og målarkosten har vore flittig i bruk. Etter harde tak har det smakt med skiver/vafler i Gloppebua. Då har sögjen gått livleg! Arbeidet elles har fagfolk teke seg av. Eldre fagfolk har vore med på dugnadsarbeidet.

Utvendig har vi ikkje gjort noko ennå. Her stiller Riksantikvaren store krav. Arbeidet vil nok gå i heile 2002, men vi prøver å få unna det mest til julehandelen..



Etter harde tak smakar det med gode skiver og ein kaffiskvett, og sögjen går lett. Frå venstre; Johannes Klungrehaug, Einar Nystad, Magnus Viken, Herlaug Eid og Kåre Holvik.

Så langt Ester. Ta ein titt innom og sjå. Skeptikarane vil måtte innrømme at lokalet er blitt heilt topp. Alle dei trufaste medhjelparane i Gloppebua fortener eit slikt lokale. Der skal det bli mykje godprat i åra som kjem! Eg har alt funne mitt stambord!

Sjølvsgåt kostar dette mange pengar. Alt kan ikkje betalast cash. Det blir arbeidd med å få til ei basarveke om ikkje så lenge.

Til produsentane; tenk ut ein ting du vil gje til basaren. Ein slik basar med så fine ting må det kunne bli pengar av. Det er eit privilegium å få vere med! Alle involverte kryssar fingrane og vinar på god respons!

Takk til Ester Viken som gjer ein så utruleg fin innsats med prosjekta!

**Kåre Holvik**

# Hyen kyrkje - 125 år

Hyen kyrkje er blitt 125 år. Den vart vigsla onsdag 14. juni 1876 av biskop Birkeland assistert av prestane i Nordfjord prosti. Ei og ei halv veke etter vigslingsa, heldt kapellan Jespersen gudsteneste i den nye kyrkja.

Dette jubileet valde dei seks konfirmantane i Hyen som emne for si tema- gudstenesta 20. mai i år. Dei inviterte til ein skikkeleg bursdagsfest for kyrkja si. Og kyrkja var pynta med ballongar og gratulasjonar til kyrkja sin bursdagsfest til glede for alle oss som var til stades.

Konfirmantane hadde lagt ned eit stort arbeid i førekant av gudstenesta, både for å leite fram ting av historisk interesse og ved å lage forbøna. Dei hadde og laga ei gave til kyrkja i formingstimane på skulen, og ein overraska soknerådsleiar fekk gleda av å kome

fram for å motta eit måleri av Hyen kyrkje. Det vart diktlesing og framföring av song som konfirmantane sjølv hadde laga for høvet. Talen for jubilanten vart også halden av konfirmantane.

Etter gudstenesta vart det invitert til kyrkjekaffi. Det vart sett fram bord i midtgangsen med kaker, kaffi og saft. Det var kjekt å avslutte stunda med mat og prat.

Takk til konfirmantar for idéen dykkar om bursdagsfest i kyrkja, og for at de gjennomførte det så flott. Takk også til konfirmantgruppeleiarane som hjalp til.

M.S.R.

Nede til venstre: Dei seks konfirmantane gav kyrkjelyden ein fin bursdagsfest for kyrkja si.

Nede til høgre: Frå kyrkjekaffien.



Preike ved sokneprest Gundersen.



# Sommaraktivitetar ved Nordfjord Folkehøgskule

Skuleåret 2000-2001 er over, men ved Nordfjord Folkehøgskule er her framleis stor aktivitet. Etter å ha vaska og bona i tre veker er sommarsesongen no godt i gang, og sommaren 2001 vert ein sommar der det kjem til å skje mykje på skulen. Vi har allereie arrangert 4 opne kurs/turar, klatrekurs og tre turar over Jostedalsbreen. Det har vore god oppslutning av både lokale deltagarar og av folk frå andre kantar av landet. Forrige helg arrangerte KFUK-speidarane landsråd her, med 130 deltagarar og komande helg skal vi ha elevstemne.

I veke 26 skal vi ha eit spennande arrangement. Musica Sacra skal ha sommarkurs her. Musica Sacra er ein

organisasjon som arbeider for fornying av kyrkjemusikken og kurset er ope for alle. Kurset går over ei veke, og vi ventar ca. 100 deltagarar hit frå heile landet. Det vert foredrag av blant anna Elin Grytting og Brynjulf Stige.

Seinare på sommaren vert det malerkurs i 14 dagar og kurs i gamle handverksteknikkar. Kurset i gamle handverksteknikkar er eit ope kurs som Nordfjord Folkehøgskule arrangerer i samarbeid med lokale og nasjonale kunsthandverkarar. Det vert opplæring i rosemaling, filting/toving, sveiping, treskjæring, dreining og smiing. Kurset varer frå 23.-27.7. og er ope for alle.

Vi skal og arrangere brekurs, kurs i

segling med gamle bruksbåtar, jentene sin tur, "Gjegnen rundt", klatrehelg i Mollandalen og kurs i kajakkpadling. Vi arbeider og med å få til eit kurs for familiær. Kurset vil bli lagt opp med ein friluftsleir for borna og eit samlivskurs for dei voksne. Kurset vert arrangert i samarbeid med familiekontoret i Nordfjord. Dersom alt går i orden vert dette kurset frå 29.-31.7. Alle desse kursa er opne kurs som det er mogeleg å melde seg på. Ta kontakt med skulen for nære informasjon.

I tillegg til dette skal vi ha to bryllaup og eit selskap. Det vert difor mange som kjem innom skulen denne sommaren. Det er flott at anlegget vert brukt.

## Sommaropne kyrkjer 2001

Ein ny sommar står for døra, og med det ein ny sesong med opne kyrkjer. Her i Gloppe har vi hatt fleire kyrkjer opne i sommarsesongen i mange år no, og erfaringane med dette er gode. Besøkstalet kan variere, men tanken er at kyrkjene skal vere opne og tilgjengelege for både bygdafolk og turistar som vil sjå innom, anten ynsket er ein triveleg prat eller stilla. Tilboden er litt ulikt i dei ulike kyrkjene rundt Gloppefjorden, og opningstidene like eins.

Vereide kyrkje er ei såkalla vegkyrkje. Den vert open måndag til fredag kl. 14.30 - 19.30 tida mellom 2. juli og 27. juli. Ei vegkyrkje har eit vidare tilbod enn dei andre opne kyrkjene. Her vert det mellom anna råd å få ein kaffikopp om det er ynske om det. Trivelege kyrkevertar er til stades og kan fortelje om

kyrkja. Tre fredagar vert det orgelresitasjon og tekstlesing, det er 6.7., 20.7. og 27.7. kl. 19.00.

Gimmestad kyrkje er ei vanleg open kyrkje. Den er open torsdag kl. 18.00 - 20.00 i tida 28. juni - 2. august. Kl. 19.30 vert det orgelresitasjon og tekstlesing.

Gamle Gimmestad kyrkje har omvising måndag til fredag i tida 25. juni - 3. august. Søndagane 1., 8. og 22. juli vert det musikk og tekstlesing på engelsk, tysk og norsk kl. 15.00. Desse dagane vert det ikkje teke billettar, og kyrkja er open til kl. 17.00.

I Gimmestad kyrkje og Vereide kyrkje vert det høye til å vere med å skrive Bibelen for hand. I Vereide kyrkje vert den handskrivne Bibelen framlagt måndag - onsdag i tida kyrkja er open

som vegkyrkje. I Gimmestad kyrkje er den handskrivne Bibelen lagt fram dei torsdagane kyrkja er open i sommar. Så kom og bli med, så blir vi kan hende ferdig neste år.

Velkomme til dei sommaropne kyrkje våre.

M.S.R.

## Vi minner om behov for lopper og auksjonsvarer til Sandane Dagane

Reidun Warpe Eikeset	57 86 57 03
Oddlaug Vereide	57 86 54 48
Olav Bjørn Tystad	57 86 93 50
Marit Henden	57 86 54 10
Anders Gloppestad	57 86 63 51



# FAMILIE-NYTT

## DØYPTE

### Vereide

- 13.5. Ylva Selnes Apalseth  
Fadrap: Roger Nygård, Elin Nygård,  
Irene Torsheim, Jardar Nyland
- 13.5. Gjertrud Eide  
Fadrap: Else Sætren, Rune Sætren
- 13.5. Alf Tore Henden  
Fadrap: Kirsten Lillian Seljen Melby,  
Oddvar Rune Seljen
- 20.5. Colin Johansen  
Fadrap: John Arild Larsen, Mona  
Viksaas, Rolf Arne Larsen,  
Stine Klausen.
- 24.5. Mathias Buene  
Fadrap: Leiv Arne Austrheim,  
Helen Anita Austrheim, Heine  
Buene, Arild Austrheim, Svein  
Austrheim
- 3.6. Hanna Flølo Ringdal  
Fadrap: Odd Kåre Flølo Eide,  
Line Bente Stubberud, Bjørn Kåre  
Eikenes, Janne Berge Eikenes

- 10.6. Solveig Vonheim Heimsæter  
Fadrap: Solveig Heimsæter, Siw  
Oxaas Straume, Martin Straume,  
Reidun Vonheim, Klaus Th. Petersen
- 10.6. Dennis Tasalon Stenbak  
Fadrap: Bjørn Stenbak, Idar  
Akselsen, Sølv Sælen
- 10.6. Marius Eimhjellen  
Fadrap: Liv Kristin Eimhjellen  
Rauset, Eivind Rauset, Pauline  
Masdal Andersen, Erlend Andersen
- Gimmestad**
- 13.5. Oda Lothe Mellingen  
Fadrap: Britt Elin Lothe, Edvard  
Fjellestad, Arild Vamrak Mellingen,  
Marit Lofnes Mellingen
- Breim**
- 3.6. Eline Clausdatter Kleppenes  
Fadrap: Oddny Kleppenes, Bjørn  
Sårheim, Thomas Guttesen
- 3.6. Kjell Runar Horvli  
Fadrap: Elin Ryssdalsnes Dombestein,  
Helge Dombestein, Asgeir  
Horvli, Monika Engen
- 3.6. June Kleppenes Sårheim  
Fadrap: Gro Sårheim Dvergsdal,  
André Dvergsdal, Anne Merete  
Kleppenes, Claus Guttesen

- 3.6. Marte Fure Skinlo  
Fadrap: Solveig Tørudstad, Stian  
Fure, Marte Beate Nerhus, Inger  
Berit Skinlo, Anne Jette Skinlo

## VIGDE

### Vereide

- 26.5. Rune Gimmestad og Laila Hestenes  
26.5. Wernes Holvik og Vigdis Holmøy

### Hyen

- 26.5. Bjørn Ivar Samdahl og Grete  
Johanne Hope

### Gimmestad

- 12.5. Jon Arne Pedersen og Rigmor  
Sigrid Jacobsen

### Breim

- 2.6. Paul Nygård og Jorun Beate  
Dvergsdal Svardal

## JORDFESTE

### Breim

- 11.5. Atle Nordmann  
Jordanger f. 19.12.1952
- 18.5. Karolina Elisa Støyva f. 07.02.1903
- 8.6. Selma Ragna Flølo f. 31.03.1913

12.8.	10. s.e. pinse Matt. 25, 14-30	kl. 11.00 GIMMESTAD kl. 11.00 NESHOLMEN	Høgmesse. Olaf Sig. Gundersen. Nattverd. Gudsteneste i høve Nesholmsteme. Ida Etnestad. Bjørn Nygaard. Nattverd.
19.8.	11. s.e. pinse Jer. 18, 1-10	kl. 20.00 VEREIDE kl. 11.00 HYEN kl. 13.00 Nes/Ytre Kandalsstøyl	Konsert. Ludwig Frankmar: Cello Høgmesse. Olaf Sig. Gundersen. Støyldsmesse. Olaf Sig. Gundersen.
26.8.	12. s.e. pinse Luk. 18,9-14	kl. 18.00 Gamle Gimmestad kl. 11.00 VEREIDE	Kveldsgudsteneste. Olaf Sig. Gundersen. Høgmesse. Harald Forland. Nattverd.
2.9.	13. s.e. pinse Mark. 7, 31-37	kl. 11.00 BREIM kl. 11.00 GIMMESTAD	Høgmesse. Olaf Sig. Gundersen. Nattverd. Presentasjon av konfirmantane. Offer: Kyrkjelydsarbeidet.
9.9.	14. s.e. pinse Luk. 10, 25-37	kl. 11.00 ARBEIDSKYRKJA kl. 11.00 VEREIDE	Høgmesse. Harald Forland. Inger Johanne Grini. Nattverd. Diakoniens dag. Offer: Diakoniarbeidet i soknet. Høgmesse. Olaf Sig. Gundersen. Presentasjon av konfirmantane. Offer: Kyrkjelydsarbeidet.
16.9.	15. s.e. pinse Luk. 17, 11-19	kl. 11.00 BREIM kl. 11.00 HYEN kl. 20.00 ARBEIDSKYRKJA	Høgmesse. Harald Forland. Presentasjon av konfirmantane. Jubileum: 50-års konfirmantar og 1-års konfirmantar . Offer: Kyrkjelydsarbeidet. Ungdomsgudst./Lovesongskveld. Olaf Sig. Gundersen. Helge Hafsås. Nattverd.

# GLOPPEN GRAVFERDSBYRÅ

Kyrkjelydane i Vereide, Breim

Gimmestad og Hyen eig og driv byrået

Kontor i Hendenbygget, 2. etasje,  
tlf. 57 86 57 70. Mobil tlf. 917 20 420

Tilsette:

Johannes Nedrebø, tlf. 57 86 93 86.

Mobil tlf. 970 34 378.

Oddlaug Vereide, tlf. 57 86 54 48.

## KYRKJEBLAD FOR GLOPPEN PRESTEGJELD

Utgjeve av sokneråda i Vereide,  
Breim, Gimmestad og Hyen.

Kjem ut 10 gonger i året  
på Sandane.  
Betalig etter ønskje.

### Redaksjonen:

Marie Sælensminde Rygg,  
Jorunn Eide, Oddlaug Vereide,  
Ola Jan Birkeland, Kåre Holvik  
sokneprest Olaf Sigurd  
Gundersen, kapellan Harald  
Forland.

Kyrkjebladssekretær:  
Marie Sælensminde Rygg.

Layout:  
Anders Rinde.

Kasserar:  
Johs. Klungrehaug,  
6823 Sandane  
Postgiro 0804 3416872.

## GLOPPEN PRESTEGJELD

### Sokneprest

Olaf Sigurd Gundersen,  
Vereide, 6823 Sandane. Tlf. 57 86 93  
85. Mobil 951 36 059.

Prestekontoret er ope heile veka.

### Kapellan Harald Forland

Hovden, 6826 Breim

Tlf. 57 86 82 20.

Mobil: 917 77 473

Fast kontortid:

Tysdag kl. 09.00–11.00

Onsdag kl. 16.30–18.00

Fra 20. august:

Torsdag kl. 16.30–18.00

Elles trefftid etter avtale.

Måndag er fridag.

### Prostiprest Asbjørn Gjengedal

Porsvegen 1, Sandane.

Tlf. 57 86 66 78.

Mobiltelefon 901 73 631

### Kyrkjelydsekretær:

Marie Sælensminde Rygg.  
Postboks 272, 6821 Sandane

Kyrkjelydkontoret 57 86 53 17.

Mobil tlf. 995 48 812

(Hendenbygget). Kontortid:

Onsdag 9–14, fredag 9–13.

### Soknediakon:

Inger Johanne Grini.  
Pb. 258, 6821 Sandane  
Kontor i Arbeidskyrkja.  
Tlf. 57 86 65 27.

Kontortid: Torsdag 12.00–16.00

Onsdag 14.30–17.00.

Tlf. privat: 57 86 26 30.

# Vi møtest i kyrkja

Lat oss ikke halde oss borte når kyrkjelyden vår samlast, som somme plar gjera, men lat oss setja mot i kvarandre.» (Hebr. 10)

23.6.	Jonsokafta Jes. 22, 12.13	kl. 18.00 Gamle Gimmestad	Gudsteneste. Olaf Sig. Gundersen.
24.6.	Jonsok/3. s.e. pinse Johs. 10, 40-42	kl. 11.00 BREIM	Høgmesse Olav Sig. Gundersen.
27.6.	Onsdag	kl. 21.30 Gamle Gimmestad	Kveldsbøn.
28.6.	Torsdag	kl. 19.30 GIMMESTAD	Orgelresitasjon, tekstlesing.
29.6.	Fredag	kl. 20.00 HYEN	Konsert. Musica Sacra.
1.7.	4. s.e. pinse	kl. 11.00 VEREIDE	Høgmesse. Olaf Sig. Gundersen. Kor frå Musica Sacra. Offer: Musica Sacra.
	Luk. 15, 1-10	kl. 11.00 GIMMESTAD	Høgmesse. Kolbein Espeset. Nattverd. Kor frå Musica Sacra. Offer: Musica Sacra.
		kl. 15.00 Gamle Gimmestad	Musikk. Tekstlesing.
		kl. 18.00 VEREIDE	Konsert. Musica Sacra.
5.7.	Torsdag	kl. 19.30 GIMMESTAD	Musikk. Tekstlesing.
6.7.	Fredag	kl. 19.00 VEREIDE	Musikk. Tekstlesing.
8.7.	5. s.e. pinse Matt. 7, 1-5	kl. 15.00 Gamle Gimmestad kl. 20.00 ARBEIDSKYRKJA	Musikk. Tekstlesing. Gudsteneste. Harald Forland. Nattverd.
10.7.	Tysdag	kl. 20.00 VEREIDE	Konsert. Trio Toneleik.
11.7.	Onsdag	kl. 20.30 BREIM	Konsert. Trio Toneleik.
12.7.	Torsdag	kl. 19.30 GIMMESTAD	Musikk. Tekstlesing.
14.7.	Laurdag	kl. 14.00 BREIM	Country-konsert. Kjell Bertil Nyland.
15.7.	6. s.e. pinse	kl. 11.00 HYEN	Høgmesse. Harald Forland. Nattverd. Støyldsmesse.
	Luk. 5, 1-11	kl. 15.00 Tystadstøylen	Musikk. Tekstlesing.
19.7.	Torsdag	kl. 19.30 GIMMESTAD	Musikk. Tekstlesing.
20.7.	Fredag	kl. 19.00 VEREIDE	Musikk. Tekstlesing.
22.7.	7. s.e. pinse	kl. 12.00 Aa-støylen	Støyldsmesse i samband med friluftshelga. Harald Forland.
	Matt. 5, 20-26	kl. 15.00 Gamle Gimmestad kl. 20.00 BREIM (den gamle kyrkjetomta)	Musikk. Tekstlesing. Friluftsgudsteneste. Harald Forland. Grilling i fjæra.
26.7.	Torsdag	kl. 19.30 GIMMESTAD	Musikk. Tekstlesing.
27.7.	Fredag	kl. 19.00 VEREIDE	Musikk. Tekstlesing.
29.7.	Olsok/8. s.e. pinse Salme 33, 12-22	kl. 11.00 BREIM kl. 20.00 VEREIDE	Høgmesse. Harald Forland. Nattverd. Offer: Redd Barna. Olsokgudsteneste. Harald Forland. Kyrkjekaffi.
2.8.	Torsdag	kl. 19.30 GIMMESTAD	Musikk. Tekstlesing.
5.8.	9. s.e. pinse	kl. 11.00 VEREIDE	Høgmesse. Olaf Sig. Gundersen. Nattverd.
	Matt. 7, 15-20	kl. 15.00 Sandsstøylen	Støyldsmesse. Olaf Sig. Gundersen. Støyldsmesse.